

Paerewa Paetae

Aronga	Te Reo Rangatira 1.4				
Ingoa	Te whakamārama i ngā āhuatanga motuhake o tētahi momo reo kua ākona				
Kaupae	1	Whiwhinga	4	Aromatawai	Ā-waho
Marau akoranga	Te Marautanga o Aotearoa				
Kokonga akoranga	Te Reo Rangatira				
Mana rēhita		Te rā i mana ai			
Te rā e arotakengia ai		Te rā i puta ai			

Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Tāhuhu o te Mātauranga i te tau 2017.

Whāinga Paetae

Puna Reo

6.2 *Ka whānui te puna kupu e taea ai te tautoko, te whakawhitiwhiti māramatanga, te whakakotahi hei whakatau, hei whakaiti rānei.*

6.4 *Ka hāngai te whakatakoto kupu ki ngā ture o te reo.*

Rautaki Reo

6.6 *Ka āta whakamahi i ngā āhuatanga maha o ngā momo reo tuhi hei whakaniko i ngā tuhinga whānui.*

E hono ana ki te Papa Whakaako mō [Wāhanga Ako] kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Te Hononga ki ngā Paearu Aromatawai

Arā ngā Paearu Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Paerewa Paetae

<p>Paetae Te whakamārama i ngā āhuatanga motuhake o tētahi momo reo kua ākona.</p>	<p>Hei tohu i te paetae:</p> <ul style="list-style-type: none"> • Ka whakaahua i ētahi āhuatanga motuhake o te momo reo. • Ka whakatauiria i te whakamahinga o ngā āhuatanga o te momo reo.
<p>Kaiaka He kaiaka te whakamārama i ngā āhuatanga motuhake o tētahi momo reo kua ākona.</p>	<p>Hei tohu i te kaiaka:</p> <ul style="list-style-type: none"> • Ka whakamārama i ngā āhuatanga motuhake o te momo reo. • Ka matapaki i te whaihua o ngā āhuatanga motuhake o te momo reo.
<p>Kairangi He kairangi te whakamārama i ngā āhuatanga motuhake o tētahi momo reo kua ākona.</p>	<p>Hei tohu i te kairangi:</p> <ul style="list-style-type: none"> • Ka whakamārama i ngā āhuatanga motuhake o te momo reo, ā, ka taunakitia ki: <ul style="list-style-type: none"> – ngā hiahia o te kaituhi – te kaupapa o te tuinga/kōrero – te take o te kōrero (te āheinga reo).

Kōrero Āpiti

1 E whai ake nei ngā whakamārama mō ngā kupu me ngā kīanga whitake matua o te paerewa nei:

āheinga reo	Ko te take e whakapuakina ai tētahi kōrero.
hanganga tuhi	Ko tā te kaituhi, kaitito rānei whakarite i te noho mai o ōna whakaaro i roto i tana tuinga, tana kōrero rānei, pērā i: te mihi, te kupu whakataki, te kōwae whakakapi, te raupapa o ngā whakaaro, te tuhi kōwae, te tuhi whiti, te whakatakoto ariā matua me ngā ariā tautoko.
matapaki	Ko te tuhi, ko te kōrero rānei i ngā āhuatanga whāiti mō tētahi kaupapa, me te whai whakaaro ki te whānuitanga o ngā take e hāngai ana ki te kaupapa.
whaihua	Ko te arotake i te pai, i te hāngai, i ngā hononga, i te aha rānei o te noho mai o tētahi mea ki roto i te kōrero.
whakaahua	Ko te tuku kōrero ā-waha, ā-tuhi rānei mō te āhua o tētahi mea me te whakaatu anō i ngā taura.

whakamārama	Ko te whakawhānui ake i te whakaahuatanga o tētahi kaupapa kia kōrerohia ai ngā take i puta ai taua kaupapa me ngā hua (pai, kino rānei) ka puta. Me whai whakaaro ki ngā pātai pēnā i te 'me pēhea', me te 'he aha ai'. Me whai whakaaro anō ki te pānga o te kaupapa ki te ao, ki ōna ake wheako anō hoki.
whakatauirā	Ko te whakaatu a te ākongā i tāna i whakaahua ai, i whakamārama ai. I tēnei paerewa, me whakaatu te ākongā i ētahi āhuatanga motuhake o te momo reo kua ākona hei taunaki i āna whakaahuatanga me āna whakamāramatanga. He mea nui hoki te whakaatu i ētahi tauira tūturu me te tuhi i te tohutoro mō te puna nō reira mai te tauira.

- 2 I tēnei paerewa, ka tautohua ngā āhuatanga o te reo i roto i tētahi momo reo kua āta ākona.
- 3 Me hāngai te reo me te momo reo ki te Taumata 6 o Te Marautanga o Aotearoa. Me whakatauirā ngā momo reo i ngā āhuatanga motuhake e tautohua ana i te paerewa nei, kia āhei ai te ākongā ki te whakaatu i ngā pūkenga me ngā māramatanga e tika ana.
- 4 Ko ngā momo reo e pai ana i tēnei taumata, ko:
 - te waiata
 - te haka
 - te pakiwaitara
 - te pūrākau
 - te reo pāpāho
 - te toikupu
 - te whakaari.
- 5 Ko ngā āhuatanga motuhake, ko:
 - te pūtaka o te tuhinga me te hunga pānui
 - ngā whakaaro matua, te horopaki, te kaupapa
 - ngā āhuatanga reo (ko te whakataukī, ko te reo peha, ko te kupu taurite, ko te huarite, ko te kīwaha, ko te kīpeha, ko te kīrehu, ko te huahuatau, ko te wetewete reo, ko te paparuatanga)
 - te hanganga tuhi.

Kuputaka

huahuatau	metaphor
huarite	rhyme
kīpeha	figurative expression
kīrehu	idiom
kupu taurite	synonym
momo reo	genre, text type
pakiwaitara	fiction, narrative

paparuatanga	repeat, reiterate
pūrākau	traditional story
reo peha	figure of speech
taunaki	support with evidence
toikupu	poetry
wetewete reo	grammar
whakaari	drama
whakatauirā	give examples, exemplify
whakataukī	proverb

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233